

王彥行 著

澹頤詩錄

徐行恭署檢



福建美術出版社

王彥行 著

澹願詩錄

黃君璧題

福建美術出版社

图书在版编目(CIP)数据

澹庵诗录/王彦行著. —福州:福建美术出版社,
2002.9

ISBN 7—5393—1193—2

I. 澹… II. 王… III. 诗词—作品集—中国—当代
IV. 1227

中国版本图书馆CIP数据核字(2002)第068064号

澹庵诗录

王彦行 著

*

福建美术出版社出版发行

(福州市东水路76号)

福建二新华印刷有限公司印刷

889×1194 1/32 5印张 88千字

2002年9月第1版 2002年9月第1次印刷

印数:1—1500

ISBN 7—5393—1193—2
J·1170 定价:18.00元

王彦行先生小传

王彦行先生，学名王迕，号隘厂、澹頤，福建省福州市人。生于一九零三年七月二十日，卒于一九七九年三月三日，享年七十有七。

先生出身贫寒，幼失怙恃，由外祖母抚养。少时曾师从闽都宿儒谢希安，十二岁后入新学，先后毕业于福建省立第一中学、福建省立法政专门学校。一九二五年赴沪谋生，先期任家庭教师，后历任国立劳动大学注册课主任、商务印书馆编辑、同济大学校长办公室秘书等职。一九四九年上海解放后在万国化学工业社、第四电表厂等工厂任职，一九六二年四月退休。

先生天资聪颖，博学强记。为人宽厚仁慈，诚信笃义。虽家境清贫，时为生计所累，然吟诗赋词之情始终不移。其诗工力深厚，蕴蓄无穷，为旅沪闽籍诗家之佼佼者，早在一九二九年出版之《闽词徵》中即有词作发表。惜其作品多不自存，佚散无数。先生谢世后，挚友陈兼与先生按其生前意愿从残存诗稿中精选三百零二首，编印成《澹頤诗录》（油印本），其中多首先后被选入《中国当代诗词选》、《当代中国诗词精选》、《二十世纪名家诗词抄》等书。

夫人卢希玉，伉俪情深逾五十载。育有一女三男，皆事业有成。

1979/6/18

序

澹庵诗不自矜惜，谓于古今作者，皆无可比数。有作率不留稿。夫诗道至广，以吾人今日之尘坌冗沓，万千错过，兴会所至，偶尔涉笔，诚不足与前人相颉颃。君之自谦其诗，知于诗深矣。然时代异，前人之所能至，今或限之；前人之所限，今或越而出之。亦复张皇幽渺，驿众派自寻其路而已。且诗者一己之事，与其他学术之为人为世者，微有不同。意识之所反映，怀抱之所发抒，感情之所流露，各有其面目风格，而要以学问性情为本。君博学强记，下笔极不苟。生于孤露，长于忧患，江湖流冗，兀兀穷年，哀乐更有过人者。故所作高雅深栗，音多凄婉，能为清质语，复时能为丽密语，出入晚唐北宋诸家间，固世所称闽派之指归也。顾性狷隘，又羸善病，平日文字交好无几人。二十年来老辈渐稀，独与予昵。予亦以得君而喜。迩因予之劝，亦稍稍检拾旧作，得若干首，属为拣汰。诗，一人之史也。自少至老，若纪历程。甘苦冷暖，往往不能自忘情。至于物论如何，传不传与否，皆非所计。予与君文字玩好，初不曾有丝毫得失存乎其间。惟君语妙夥颐，惜多散佚。昨于酒次，琴趣举君「客挟秣陵秋气至，诗如元祐党人贤。」二语，为某岁九日墨巢座上作者，墨巢谓：「以动容出之，乃东坡之能事。」予亦忆一次晚集硕果亭，与墨巢、蔬畦、赵亭诸君谈诗至夜分，食粥而去。君有诗云：「向晚贪园坐，清阴满露台。盆荷扶盖出，邻竹走鞭来。粥饭皆真味，风骚几霸才。正须闻软语，飞雨漫催回。」语极隽峭。今稿中皆未录，以

是知君虽不自惜其诗，而犹流诵于人口；隘于交游，而广于篇什，是有必传者在矣。书与澹
顾，其亦会心一微笑乎？

一九七六年丙辰夏五

陈兼与拜稿。

目 录

陈 序	一
甲 集 一九二五年至一九三七年上半年	一
乙 集 一九三七年下半年至一九四九年上半年	七
丙 集 一九四九年下半年至一九七六年上半年	三十三
丁 集 一九七六年下半年至一九七九年上半年	一二二
戊 集 词	一四四
跋 一	一四八
跋 二	一四九
跋 三	一四九
跋 四	一五〇
跋 五	一五一
后 记	一五二

甲集 一九二五年至一九三七年上半年

和南孙感怀韵 一九二五年

情深翻遣世人嗤，似鹤褙褙燕雀欺。魂断艳歌行一曲，累累石见待何时。
岂有闲情唱《恼公》，风蓬漫与计西东。倒行伍相穷途语，落落从知一世雄。
鬼语啾啾下恶滩，胶舟谁识泪洑澜。艰难尝遍擲榆术，凭仗灵犀一点看。
褊心自悔怒虚舟，茧绪抽残苦未休。凋尽朱颜驷尽气，故人知我坐穷愁。

赠易斋《述怀六十韵》，并寄遁庵

昔游上蔡门，群彦美籍籍。结社约读书，许我分片席。志业期千秋，
□□□□□。气象张留侯，精悍郭翁伯。此才非等闲，卓犖凌八极。大器当晚成，藏锋且灌辟。潜龙不在渊，何事轻腾掷。低心徇时趋，曲艺学鞮译。丝竹偶陶情，豪荡而感激。赏音固有真，恐累君子德。期君岂仅此，愿君懔所择。兹邦混华夷，奇邪久充斥。况今鉅衅寻，危澜掀九域。器张太学幡，仓皇蛮邸戟。众稚纷作狂，宜自惜圭璧。杜门理残编，拣枝翔劲翮。乘间频过从，无忧

闲听夕。人海遭蹉跎，庶共客怀释。因思病维摩，一别成间隔。江干独养疴，辛苦听潮汐。
 铅槩心力抛，兵戈生涯窄。天末折疏麻，使我怆平昔。崩波誓不留，抔沙聚易析。南浦叠骊
 讴，名园冷綦迹。沉吟招隐诗，征夫何由息。世事属艰难，儒冠同厄塞。悲歌走天涯，相顾
 每无色。合并知何年，南望两悽恻。□□□□□，探讨穷六籍。君与杨郎佳，与我独相得。
 臭味契苔岑，吻合侔芥珀。相怜胜弟兄，共慰雁影只。投分非偶然，研摩资三益。日月忽不
 居，人事相煎迫。岁阑策长鲸，卒卒重行役。送我寒江湄，执手惨不悻。回首揖曦楼，相思
 日以积。淞滨从索居，弹指寒暑易。羁旅洵畏人，旁皇少与适。驱车暂过市，何但如五剧。
 银灯烂薰街，飚轮震芳陌。金碧方壶居，嗽嘈波斯舶。触目诧譟张，投趾伤逼侧。外家比多
 患，繁维不遑惜。挥泪思挝门，衔戟答相宅。遂遭流俗呵，腾口肆虺蜴。谓我将何求，而为
 此寂寂。贫交二三子，陈义苦规谏。虑我眩纷华，因之荒学殖。密意信拳拳，惜哉势扞格。
 本末未易明，噤齟宁自嘿。放鹄屡有思，搏鹏怅无力。淹留仲宣忧，疏懒中散癖。昨宵触清
 商，庭梧委凄碧。海楼感流光，何以慰寥阒。君来喜可知，倾倒欲折屐。蝉嫣杂情话，殷勤
 及眠食。共嗟世途艰，还怜旅颜瘠。沧海正扬尘，君胡亦作客？平生气盖世，万人无与敌。
 长缨横磨剑，罪言《治安策》。

监试呈诸试官

我本山中人，寒苦盗寸廩。文辞虽久作，勉强非天稟。既得旋废忘，懶惰今十稔。麻衣如再着，墨水真可饮。每闻科诏下，白汗如流渾。此邦东南会，多士敢题品。乌菟尽兰荪，香不数葵荏。贫家见珠贝，眩晃自难审。缅怀嘉祐初，文格变已甚。千金碎金璧，百衲收寸锦。调和椒桂醪，咀嚼沙砾磳。广眉成半额，学步归蹕蹠。维时老宗伯，气压群儿凜。蛟龙不世出，鱼鲔初惊沔。至音久乃信，知味犹食椹。已今天下士，微管几左衽。谓当千载后，石室祠高朕。尔来又一变，此学初谁沔。权衡破旧法，乌髭笑凡任。高言追卫乐，篆刻鄙曹沈。先生周孔出，弟子渊寥寝。却顾龙鍾躯，顽扑谢镌镌。诸君况才杰，容我懶且噤。聊欲废书眠，秋涛春午枕。

南孙书询近况，诗以代柬

一九二八年

些些心血消磨尽，看镜从知鬓有丝。谁信消磨半尘土，山林长遣负先期。长夜千忧寄一身，眼前何物定相亲。生知恩义都轻负，弹指俄成一世人。蜍志奄奄剧可怜，途修卫蹇亦无鞭。何时馀气居尸尽，虬虱微臣早吁天。

和杨九缉曦楼感赋诗，兼怀楼主郑十一

一九二八年

寻常舖啜亦千秋，矮阁螭姗任打头。少日放狂夸剧饮，此时追忆几清游。著书夹漈多名理，高世盈川有隐忧。旅寓自伤文采尽，何当挂席竟归休。

遁庵寄示梦忆诗，依韵酬答

诗来十九挟凄音，吊梦歌离不自禁。微尚云萝存宿约，中年泥絮定禅心。兰荃何苦争芳洁，江海相望怅阻深。短口凄凄君不省，寒枝孤鹜起羁禽。

由沪返闽舟中作，寄示南孙大弟

一九三二年

道长匆匆又故园，十年情事又谁论。计程城郭先非是，入夜风涛只自喧。听惯乡音浑未爽，吟成隽语略无存。异时海若烦相问，放手量愁进几痕。

芦店拜范十三舅墓和孝斯韵

山丘餘恻付羊曇，孤露怀恩百不堪。丹旆苍凉如昨梦，黄祿报答有深惭。剩将絮酒浇新碣，相向林风黯暮岚。欲赋大招浑未敢，魂兮犹自恋江南。

南孙示梦母诗，怆然有作

读君梦母诗，泪落如纆縻。小人亦有母，尽命生我时。先子婴沉疴，母矢殉以随。一堂陈两櫬，仰药甘如饴。茕茕呱泣身，坠地逢百罹。四岁毓外家，不死幸至兹。孤枕岂无梦，有梦亦胡为。母颜儿未识，入梦知母谁。明发但耿耿，有怀成狂痴。君今偏亲健，有姊如母慈。伶仃岂我比，终伤无母儿。无母诚足伤，罔极报敢迟。媿修各自励，没齿以为期。

圣俞函告丁香盛开，朋辈吟集，追忆前尘，亦成一诗却寄。 并示子异

弱龄酣嬉天所借，事往咸惊有代谢。书来督我丁香吟，猛忆桥西好池榭。春二三月辄置酒，宾主豪情压嵩华。眼明一树映水隈，老干如龙孕娇姹。错疑嫫媿掩冰雪，几见深栽坠兰麝。

巡廊负手看不厌，沉吟遂至西日下。平生恩劬外太母，往往怒我归以夜。少年盛气那肯顾，一欢岂谓今长罢。十霜流宕落尘土，故林极望何由驾。楼栖咿咷儿女，静念名葩足恨咤。诸贤坚守贞元会，岁久孤根得凭藉。宁知桃梗强西笑，苦语遂巡畏嘲骂。异时离合且莫论，隔海酬诗迫我暇。

平斋丈没三年矣，大祥之辰百感交集。次壁间见赠诗原韵

斯人逝不复，危楼自吊影。非无耆旧亲，惜公渊且静。平生淡泊姿，晚途盖峻整。十年星伴月，但觉纷华屏。天地日崩蹇，脱命毫厘顷。老成往料变，遗墨定谁省。岁暮风愈寒，祥琴触虚警。

乙集 一九三七年下半年至一九四九年上半年

硕果亭重九雅集 一九三九年

病起惊看鬓有霜，寒花犹为展重阳。欲题秋述疑孤愤，自纵天囚赖健忘。涉想颇能赴寥廓，同尘未易判闲忙。莫将怀远伤高意，恼乱诗人九转肠。

辛巳除夕 一九四二年

徂年一雪噤春声，键户哦诗意未平。藕孔亡遁宁惜日，梅边闷默惯忧兵。陆沉指顾须同尽，道殣横纵敢望生。说与诸雏浑不省，看渠喧搅守残更。

近事杂述

入冬石炭抵殊珍，短铗无温灶媪颦。至是若容昏暮乞，难言吾热不因人。九陌华灯掩此宵，黯然无复照妖韶。冥行莫怨青磷屑，大地俄看石火销。囊括何曾贯一丝，张皇文告只售欺。万家衣被平生志，却恼寒号聒有司。

舞簇青衿夙所工，呼泉饮鸩嗜尤同。忽矜豪举蒐除尽，狐搨狐狸一笑中。
交子畸轻孰与权，君看市价贵于天。庙堂平准多高议，闾左吞声足陌钱。
华屋高资旦晚休，盖藏何术避诛求。市符亦是麒麟楨，谐价毋劳什袭收。

壬午元旦

一九四二年

六街严警断车尘，晴雪林梢替报春。九有不须夸禹甸，诸儿新度
輿地学一寒何处问尧民。颇忧来日
鱼丽余，谁信全家虎圈邻。偷活符天疑漫语，冬郎身世自伤神。

出柙

出柙知谁咎，翻令捋虎须。仓皇投密罟，禁格遍交衢。人迹真空巷，宵征类过墟。如闻探雀
鷃，微命信斯须。

出门书所见

三日池滨路，殇孩弃不收。酸风干短髻，寒雨渍科头。荼毒将谁罪，流离幸汝休。贵游将玉雪，车过亦悠悠。

寄渝州答南孙、子异

一九四三年

霜华团屋报萧辰，寒里相望茹一贫。世异犹怜俱有役，书来聊喜尚为人。歌风不竞难张楚，覆局全输几过秦。鬼烂神焦十年所，罪言含痛向谁陈。

夜闻米肆列队待余，喧阗达曙，不寐感赋

终宵鹅雁极喧阗，转枕旁皇为损眠。斯世分无天雨粟，何时真见海成田。渐矛共忍须臾死，梦甌难书大有年。明日门东儿索饭，腐儒倘悔直如弦。

寇降后霜腴翁自青岛有诗见及，感次元韵却寄

忧患相煎靡有涯，书来枵触泪交颐。胜流钩党哀同尽，概竖贪天悍自为。窄伏固甘潜复壁，沦胥何待覆残棋。知君懒乞龙渊水，闭眼危城足乱思。

「乱思」遗老「用赵台卿语，时君方病目。」

南孙大弟滞蜀不归，诗以招之

珠玉岷峨气已收，骚人何事尚淹留？东归不负连床约，一纵瞿塘劈箭舟。湘瑟凄清久罢弹，竹枝红泪欲阑干。锦江不在青天上，尺素空令写韵寒。

黄仲则诗：「锦江直在青天上。」

遁庵由渝来申。别廿年矣，有诗见赠，次韵奉和

积悴夺昔乐，苟活恃健忘。子来非助我，话旧增苍茫。觴子密勿言，愧无韭与粱。乱之唱酬声，妇孺从笑狂。兵间幸脱命，税驾犹饿乡。裹饭迫霖雨，谁能餽子桑。向来夔怜蛇，忽复西南翔。真成泥忆云，默坐徒自伤。治生匪细事，得句且歛藏。各作投老计，世难未渠央。